



ՇԱՐԱԿԱՆ ՍՈՒՐԲ ԶԱՏԿԻ

Այսօր յարեալ ի մեռելոց Փեսայն անմահ և երկնաւոր,
Քեզ անտի՛խ խնդրեան ի յերկրէ՛ Եկեղեցի.
Օրհնեա՛ ի ձայն ցնծութեան զԱստուած քո Սիրովն:

Այսօր անհառ լոյսն ի լուսոյ լուսաւորեաց զմանկունս քո,
Լուսաւորեա՛, Երուսաղէմ, Բանգի յարեալ լոյս քո Քրիստոս.
Օրհնեա՛ ի ձայն ցնծութեան զԱստուած քո Սիրովն:

Այսօր խաւարն անգիտութեան հալածեցաւ երբեակ լուսովն,
Եւ քեզ ծագեաց լոյս գիտութեան յարուցեալն ի մեռելոց Քրիստոս.
Օրհնեա՛ ի ձայն ցնծութեան զԱստուած քո Սիրովն:

Այսօր Զատիկ մեր զենմամբ Քրիստոսի,
Արասցո՛ւք տօն ցնծութեան, նորոգեալս ի հնութենէ՛ մեղաց ասելով.
Քրիստոս յարեալ ի մեռելոց:

Այսօր հրեշտակն լուսափայլ ի յերկնից իջեալ զարհուրեցոյց զպահապանսն,
Եւ սուրբ կանանցն Բարոզէ՛ր ասելով.
Քրիստոս յարեալ ի մեռելոց:

Այսօր և մեք զուարճացեալք պայծառասցո՛ւք տօնիս,
Ընդ հաշտութեանն Աստուծոյ միմեանց արկցո՛ւք գիրկս սիրով.
Եւ միաբան գոչեսցո՛ւք՝ Քրիստոս յարեալ ի մեռելոց:

ՆԵՐՍԷՍ ԼԱՄԲՐՈՆԱՅԻ

ԳՈՎԵԱ՛, ԵՐՈՒՍԱՂԷՄ, ԶՏԷՐ...

Յարեալ Քրիստոս ի մեռելոց, ալելուիա:
Եկալ ժողովուրդք երգեցէ՛ք Տեառն, ալելուիա:
Յարուցելոյն ի մեռելոց, ալելուիա,
Որ զաշխարհս լուսաւորեաց, ալելուիա:

